



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Alexandro VII. Ad Clementem X.

**Luxemburgi, MDCCXLII.**

XXII. Pro concordia Fratrum Regularis Observantiæ S. Francisci Provinciæ  
S. Joannis Evangelistæ Insularum de Assores.

---

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)



Ecclesiastica constituta munitis, eadem prorsus fides adhibeatur, quæ præsentibus adhiberetur, si forent exhibitæ vel ostensæ.

Dat. P. An.  
2. die 3. Julii.

Datum Romæ apud S. Mariam Majorem sub Annulo Piscatoris die 3. Julii 1656. Pont. Nostri anno secundo.

XXII.

Pro concordia Fratrum Regularis Observantiæ S. Francisci Provinciæ S. Joannis Evangelistæ Insularum de Affores.

Edita A. D.  
1656.

ALEXANDER PAPA VII.

*Ad futuram rei memoriam.*

Exordium.

**I**N sublimi Sedis Apostolicæ specula universi gregis Domini curæ nostræ divinitus commisi commodis jugiter invigilantes illis quæ pro tollendis dissidiis inter religiosos viros sub suavi religionis jugo Altissimi obsequiis mancipatos non sine Regularis Observantiæ detrimento, & piorum offensione exortis providè concordata, ac decreta, & ordinata sunt nonnunquam Apostolicæ confirmationis Nostræ patrocinium adjungimus, prout rerum, personarum, locorum, & temporum qualitate maturè pensata conspiciamus in Domino salubriter expedire.

Supplicatio.

§. 1. Cum itaque sicut accepimus, ad componendas controversias in Provincia S. Joannis Evangelistæ in Insulis de Affores nuncupatis consistente Ordinis Fratrum Minorum S. Francisci de Observantia nuncupatorum à quinque annis, vel circiter suscitatas concordia inter partes interesse habentes inita fuerit, ac eandem concordiam Venerab. Frater Noster Franciscus Episcopus Portuen. Cardinalis Barberinus nuncupatus S. R. E. Vicecancellarius, nec non d. Ordinis apud Nos, & Sedem Apostolicam Protector, tam officii Protectoris hujusmodi, quàm delegata sibi per Congregationem Venerabilium pariter Fratrum Nostrorum ejusdem S. R. E. Cardinalium negotiis, & consultationibus Episcoporum, & Regularium præpositam auctoritate confirmaverit, & approbaverit, varique pro illius observatione decreta, & ordinationes ediderit, prout plenius continetur in Literis ipsius Francisci Cardinalis desuper confectis tenoris qui sequitur videlicet.

§. 2. Franciscus miseratione divina Episcopus Portuensis Cardinalis Barberinus S. R. E. Vicecancellarius, ac Ord. S. Francisci Protector, Corrector, & Governator &c. Omnibus, & singulis Fratribus, & Monialibus tam subditis, quam Prælatibus cujuscumque qualitatibus, & conditionibus, omnibusque aliis quibus præsentibus nostræ Literæ ostensæ fuerint Provinciæ S. Joannis Evangelistæ Insularum de Affores Regni Portugalliæ prædicti nostri Ord. de Observantia salutem in Domino sempiternam. Noveritis pro parte, & ad instantiam dilecti in Christo Patris Fr. Antonii à Gratia Prædicatoris, & Ministri Provincialis electi ipsiusmet Provinciæ præsentatum fuisse memoriale quoddam Sanctiss. D. N. Alexandro VII. tenoris sequentis videlicet.

Memoriale.

§. 3. Beatiss. Pater Frater Antonius à Gratia Prædicator, & electus Provincialis Provinciæ Sancti Joannis Evangelistæ Insularum de Affores Regularis Observantiæ S. Francisci deosculando pedes S. V. exponit quod Frater Simon à Sancta Catharina antecessor suus, tempore opportuno petierit Visitatorem, & ipsum obtinuit à Patre Generali Fr. Petro Monero qui Visitator ex variis impedimentis non accessit ad dictam Provinciam antequam triennium ejusdem Provincialis excurreret. Hanc moram cum notaret di-

ctus Provincialis ante sex menses decursum (ultra tres annos) Definitorium convocavit, ut in futurum provideret, cum hic casus esset expirationis, & non vacaturæ: unanimitè resolutum fuit à Definitorio prædictum Provinciale continuari debere usque ad accessum Visitatoris, & de omnibus rebus gestis informare Curiam Romanam: qui ita fecit per suum Procuratorem exquirendo remedia opportuna continuando interea in regimine Provinciæ pacificè per septem menses. His clapsis aliqui Religiosi opposentes se regimini prædicto, atque provocantes quemdam Patrem Didacum à Plagis qui olim fuerat Vicarius Provincialis sub titulo Patris dignioris coegerunt illum, ut convocaret Definitorium, tanquam in casu vacaturæ, ad eligendum Vicarium Provinciale, in quo tamen ipsi Definitores non obediunt præter unum postmodum in Vicarium Provinciale electum, & hoc à Definitoribus ab ipso convocante illegitimè subrogatis, reclamante legitimo Provinciali, ac Definitoribus actualibus tunc propter violentiam in Conventu S. Augustini commorantibus, ipse Vicarius Provincialis intrusus vi armorum, ac metu omnia sibi subigendum, Provincia in sua potestate continuit, atque extracto è carcere Fr. Ferdinando à Conceptione misit ut Procuratorem ad istam Curiam sub sigillo Provinciæ noviter à se aperto: non obstantibus appellationibus, & censuris Provincialis legitimi, & Definitorum actualium. Provinciale interea fuit de Provinciali legitimo à Sac. Congregatione die 3. Octobris 1653. ab Eminentiissimo Protectore die 14. Novembris à Sanctissimo D. Innocentio X. die 16. ejusdem Novemb. ipsius anni pro continuatione sui officii, & aliorum Prælatorum respectivè per integrum annum, confirmando etiã d. Visitatorem ad visitandam Provinciam, & celebrandum Capitulum, his decretis nolentes obedire intrusi, neque audire illa, malè tractarunt Notarios, atque alios Ministros intimantes, & non obstante clausula Brevis expressa (postposita appellatione) ab illa appellarunt, suspensionemque ipsi Visitatori fecerunt intimare, qui respondit se non posse recusari tanquam suspectum quoad Visitatorem generalem, sed solum quoad particularem (si coram arbitris probassent) & contra ipsos fulminavit censuras usque ad declarationem per sententiam, & cum jam visitare cepisset Provinciam in Conventibus obedientibus decretis supradictis, ac legitimo Prælato, accidit quod die 14. Julii anni 1654. ei fuit intimatum decretum Sac. Congreg. dat. die 19. Martii ejusdem anni derogans Breve, & Decreta prorogationis, d. Provincialis legitimi affecti à d. Ferdinando Procurat. intrusi, qui in supplica allegavit Procurat. Provincialis legitimi non fecisse mentionem electionis d. Vicarii Provincialis intrusi (cum tamen hoc ei fuisset impossibile, nam à Curia Olyssiponense profectus est Romam die 16. Junii anni 1653. & in die 13. ejusdem Junii facta fuit talis electio in Insula tertia quæ distat ab ipsa Olyssipone per trecentas leucas maris) narravitque verum in supplica virtute cujus expedita fuere decreta, & Breve prorogationis Provincialis, etiam confirmationis ipsius Visitatoris qui respondit tale Decretum nihil locutum fuisse circa Visitatorem removendum, & ad tutius respondendum petiit videre ipsum Decretum, quod tamen à Judicibus executoribus ei fuit denegatum, idque contigit Provinciali prorogato irrimato die 15. Julii qui simul cum Visitatore appellavit ante omnia, & post omnia ad Sanctam Sedem Apostolicam, tunc Visitator fecit citare omnes vocales Capituli (modo quo potuit) & brevi temporis spatio fama pervolvit per totam Provinciam celebrationis Capituli, & cum jam ipse Visitator exerceret officium Præsidentis Capituli



in mensa definitionis illud primum Decretum, & aliud de novo adveniens derogamus Visitatorem fuerunt simul intimata illi die 12. Augusti, narrabatque Judex Executor Oduardus in Litteris suis tale Decretum fuisse datum à Sac. Congregatione sub die 14. Novembris anni 1653. dies quidem in qua ipsa Sac. Congregatio per suum Decretum confirmavit ipsum Visitatorem, & in qua dictus Ferdinandus Procurator intrusi erat captivus in Argel. cui intimationi respondit ipse Visitator quod Notarius cum testibus adhiberet fidem intimationis Decretorum factæ in mensa Capitulari ubi ut Præfidentis, & non uti Visitator exercebat suum munus, & quod nullum duorum Decretorum habebat clausulam derogatoriam officii Præfidentis Capituli quod est valde distinctum ab officio Visitatoris: praterquam quod utrumque Decretum esse obrepitum multis de causis quapropter ab ipsis appellavit ad Sanctam Sedem: postea die assignata quæ erat 15. Augusti anni 1654. celebravit Capitulum cum decem suffragiis quæ solum congregare potuit, elegitque ipsum Oratorem Fr. Antonium à Gratia in Ministrum Provinciale, fecitque omnes Guardianos, & omnia acta capitularia destititque à Visitatione propter redimendam vexationem, appellavitque contra omnes nominationes Provincialis, & Definitorum si fortè Romæ fierent ab aliquo Superiore quod etiã fecit dictus Orator Provincialis noviter electus, qui misit Procuratorem in istam Curiam ad confirmandum Capitulum, qui cum pervenisset ad Olyssiponem invenit ibi nominationes factas Provincialis, & Definitorum per Eminentissimum Protectorem virtute cujusdam Decreti Sac. Congregat. dati die 26. Augusti 1654. nescientis accessum Visitatoris ad illam Provinciam, & celebrationem Capituli die 15. ejusdem Augusti invenit etiã Literas patentes dicti Eminentissimi Protectoris confirmantes electionem Vicarii Provincialis intrusi omnia assequuta à D. Ferdinando, & etiã confirmationem ipsius nominationis in forma speciali à Sanctiss. D. Innocentio factam, & cum non potuisset venire Romam oppressus vi Decreti Regii obediit ipso Provinciali nominato, fecitque cessionem obedientiæ & similiter fecit coactus ipse Orator, tradiditque sigilla, & libros Provincie Secretario ipsius nominati Romæ, non tamen destitit ab appellationibus. Interim Provincialis nominatus repente decessit, & statim dictus Didacus à Plagis usurpando sibi dignitatem dignioris Patris Provincie (excludendo ipsum Simonem à S. Catharina dignorem Patrem Provincie tanquam excommunicatum) convocavit Definidores nominatos Romæ, elegitque Vicarium Provinciale Fr. Simonem à Plagis, fecitque solemne Capitulum absque Præsidente, absque digniore Patre Provincie, & absque autoritate, deditque omnia officia suis sequacibus non admittendo ad illa aliquem ex tabula Capituli dicti Oratoris, imo incarcerando, vapulando, & exulando omnes, ipse Vicarius Provincialis intrusus causat maximum scandalum in tota Provincia, Insulis, & Regno. Cum verò ad aures ipsius Oratoris Fr. Antonii à Gratia pervenisset noticia illius intrusi Vicarii Provincialis, & sui nulli Capituli ratificavit appellationes suas coram probo viro, & venit in hanc Curiam. Supplicat proinde S. V. quatenus dignetur committere hoc negotium Eminentissimo Protectori, vel alteri, cui magis placuerit, ut (auctoritate Apostolica) attentis narratis, & auditis partibus confirmet suum Capitulum Canonicè factum, declarando nullam primam electionem d. Vicarii Provincialis intrusi Fr. Christophori à Conceptione, & etiã secundam dicti Simonis à Plagis, & ipsius nulli Capituli, vel provideat ex aliquo alio remedio op-

portuno illam Provinciam in miserrimo statu positam ad stabiliendam pacem, & fraternitatem inter Religiosos illius, ut dignè, & laudabiliter Deo serviant, & pro S. V. continenter orent. Quam Deus &c. Fr. Antonius à Gratia Minister Provincialis.

§. 4. Quod quidem memoriale fuit remissum ad Sac. Congregationem, ipsaque Sac. Congregatio, per Decretum suum datum die 28. Aprilis anni 1656. jussit exhiberi acta Capitulorum cui cum satisfactum fuisset per aliud Decretum expeditum die 5. Maji Nobis commisit negotium ut videremus, & referremus. Nos igitur convocatis partibus scilicet P. Francisco ab Assiso Procuratore, Patris Simonis à Plagis Definitorii sui, & omnium Fratrum suæ partis cum plenitudine potestatis prout aliàs latius continetur in publico mandato procuræ per nos viso ad quam &c. dictoque Procuratore ut supra constituto una cum D. P. Antonio à Gratia pluries super omnibus, & singulis in dicto memoriali contentis convenientibus d. Procuratores, & respectivè d. P. Antonius à Gratia nominibus prædictis pro bono pacis dictæ Provincie unitate, & tranquillitate illius. & ad omnem alium meliorem finem, & effectum magis utilem, & proficuum fecerunt concordiam coram dicto P. Procuratore Generali ab ipso, & ipsis subscriptam die 20. Maji tenoris seq. videlicet.

§. 5. Concordia inter P. Fr. Antonium à Gratia Prædicatorem, & Ministrum Provinciale electum Provincie S. Joannis Evangelistæ Insularum de Assores Regni Portugallie, & P. Fr. Franciscum de Assiso Prædicatorem, & Procuratorem cum plenitudine potestatis P. Christophori à Conceptione, P. Simonis à Plagis, & omnium Definitorum, & Fratrum suæ partis in presentia Adm. R. P. Procuratoris Generalis die 20. Maji ad stabiliendam pacem perpetuam, & compositionem illius Provincie. In primis quia Provincia est divisa in duas partes, & unaquæque illarum habet pro se Literas patentes Eminentiss. D. Protectoris, Decreta S. Congregationis, & Brevia confirmationis illorum ad compositionem, & pacem perpetuam illius Provincie unusquisque renunciat Jus, quod habet, & habere potest, & quod habent, & habere possunt sui constituentes ad talia Brevia, Decreta, & Literas patentes, & ex communi consensu, petunt quod ponatur in dictis Brevibus, Decretis, & patentibus Literis perpetuum silentium: incipiendo à die completionis triennii P. Simonis à S. Catharina usque ad presentem diem, sive Brevia, Decreta, & Literæ patentes pertineant ad electiones, nominationes, prorogationes, & confirmationes Prælatorum illius Provincie, sive ad quascumque privationes, sententias, suspensiones, & exemptiones omnium Fratrum illius tam in communi, quam in particulari: Et quia virtute supradictorum Decretorum factæ fuerunt ex utraque parte aliquæ electiones, & nominationes Prælatorum ad evitanda scandala, & stabiliendam pacem. Petunt quod annullentur omnes illæ tres electiones factæ in illa Provincia à die primæ convocationis P. Didaci à Plagis usque adhuc; Et etiam annullentur nominationes factæ Provincialis defuncti Fratris Hieronymi de Sardoal Custodis, & Definitorum, revalidando tamen omnia acta spiritualia facta ab ipsis electis, & ab ipso nominato, nempe ab ipso Christophoro à Conceptione, & ab ipso Antonio à Gratia, ab ipso Simone à Plagis, & ab ipso Hieronymo de Sardoal nominato, & defuncto: annullando tamen omnes sententias, & processus ab ipsis, vel à quolibet ipsorum

Remittitur  
ad S. Congt.



datas, seu fulminatas vel processatas, dandas, seu fulminandas, vel processandas contra quoscumque Fratres & Moniales illius Provinciae qualiscumque qualitatis, & conditionis à die completionis triennii P. Simonis à S. Catharina usque ad accessum istius concordiae ad dictam Provinciam. Et ponendo perpetuum silentium in excessibus transactis circa obedientiam dictorum Praelatorum, & Patris Visitatoris Fr. Antonii à Trinitate. Petunt ex consequenti novam nominationem Provincialis, & Definitorum dimidiando Mensam capitularem, nominando in Provinciam ipsam P. Antonium à Gratia Praedictorem cum duobus Definitoribus ex sua parte, nempe Fr. Antonium à Salvatore, & P. Antonium de Padua Praedictores; Et ex alia parte in custodem P. Ferdinandum à Conceptione Lectorem Theologiae cum duobus Definitoribus, scilicet P. Franciscum à Plagis Praedictorem, & P. Petrum ab Annuntiatione Confessorem pro Recollectis: supplendo in omnibus quoscumque defectus tam juris, quam facti, seu personae, & absolvendo illos à quacumque sententia, censura, vel poena, & habilitando ad talia officia obtinenda; Et eodem modo debent esse dispensati, absoluti, & habilitati ad omnia officia omnes fratres illius Provinciae tanquam si noviter fuisset erecta. Et mortuo, seu deficiente aliquo Definitore ex parte Provincialis nominati, nominetur in ejus locum P. Fr. Joannes de Sousa Confessor, & mortuo, seu deficiente aliquo Definitore ex alia parte, nominetur P. Didacus à Conceptione Praedicator. Mortuo Custode, sue deficiente, nominetur in ejus locum P. Thomas à Divo Bonaventura Praedicator; mortuo tandem Provinciali nominato; Pater dignior [iuxta Ordinis statuta] convocet Definitorium, eligatque Vicarium Provinciale ex parte d. Provincialis, & illi concedatur tota autoritas, quae per istam resolutionem conceditur Provinciali; Et quia in illa Provincia non extat alius Pater, qui fuisset Provincialis, nisi solummodo Pater Simon à S. Catharina, qui quidem est sententiat, & ab alia parte exulatus, petunt quod dictus Simon à S. Catharina declaretur Pater dignior, & perpetuus illius Provinciae [iuxta statuta generalia Ordinis] Et quia haec concordia habet proultimo sine pacem, & fraternitatem perpetuam inter Religiosos illius Provinciae; & in illa fuit [tempore controversiae] Vicarius Provincialis per duos annos P. Christophorus à Conceptione, & nunc est in illa alter Vicarius Provincialis scilicet P. Simon à Plagis. Petunt quod pro bono pacis concedatur illis privilegium Patrum Provinciae; Et quod d. Simon à Plagis, quamvis non habeat duos annos completos dicti officii declaretur Pater immediatus. Petunt etiam quod Provincialis nominatus cum eisdem Patribus, & Definitoribus ab ipso convocatis celebret Capitulum, juxta Ordinis statuta, in quo ipse Provincialis praesideat dimidiando omnia officia Provinciae tam Guardianorum, quam Vicariorum in capite, & Lectorum; reponatque Praesidentes in Conventibus, quibus primo accesserit. Petunt etiam quod concedatur Provinciali nominato facultas celebrandi Congregationem intermediam, & praesidendi in illa, & quod triennium numeretur, & computetur à die celebrationis Capituli; quamvis Provincialis habeat plenissimam autoritatem super omnes Fratres, & Moniales illius Provinciae à die suae nominationis. Et ne Provincia veniat ad statum, in quo jam fuit, & nunc est, ad evitanda scandala, controversias, & rebelliones supplicat, quod si ex aliquo infortunio, & urgentissima causa Maris, Mortis, seu Turcarum &c. completo triennio, & sex mensibus Commissarius Visitator (à Ministro Generali, vel ab Eminentif-

simo Protectore deputandus) ad illam Provinciam non accesserit, Minister Provincialis, & omnes alii Praelati durent in suis officiis usque ad adventum ipsius Visitatoris, vel alterius suo nomine ad celebrandum Capitulum, & suffragandum in illo; declarando non dari casus vacaturae Provincialis ad convocationem dignioris Patris Provinciae, nisi limites triennii, & sex mensium, & quod hoc servetur in illa in perpetuum, petuntque quod pro bono pacis illius Provinciae, nunc non accedat ad illam Visitator; & quia aliqua Abbatissa fuerunt electae à d. Superioribus suppositis. Petunt quod mandetur d. Provinciali, ut illas in suis officiis confirmet, quas viderit esse idoneas.

§. 6. Hae superscripta concordia, ut jacet, coram me Protectore Generali totius Ord. facta est à RR. Patribus praedictis Fr. Antonio à Gratia, & F. Francisco ab Assisio insimul mecum in unum convenientibus, qui illam, & omnes ejus articulos tam seorsim, quam collectivè tenere, & servare, ut sonant, absque interpretatione, & facere teneri, & servari ab utriusque partis, & totius Provinciae Patribus promiserunt, atque affirmarunt tanquam veram, & communem concordiam, & amicam in omnibus pacem consonam Statutis Regularibus, bono Regimini, & Regulari disciplinae, in quorum fidem mecum proprio pugno, hanc subscripserunt in hoc Conventu Araeali die 20. Maji 1656. Fr. Bartholomaeus de Villalva Procurator Generalis Ordinis, Fr. Antonius à Gratia Minister Provincialis electus, Frater Franciscus ab Assisio Procurator partium. Cujus tenorem cum retulissetus Sac. Congregationi, fuit Nobis remissa ex alio Decreto dato 23. Junii, ut provideremus arbitrio Nostro; Nos ergo cognoscentes quod per dictam concordiam conservatur quies illius Provinciae, & compositio jurgiorum per tot annos non sine scandalo Regularium, & Secularium, doloreque cordis Nostri, inharendo facultatibus nobis competentibus tam uti Protectori, Correctori, & Governatori d. Religionis, & Provinciae, quam vigore rescripti d. Sac. Congregationis; discussa prius dicta Concordia, pensatisque omnibus, & singulis illius partibus, & aliis omni alio meliori modo, quibus melius, & validius possumus, & valeamus tenore praesentium supplendo omnes, & singulos defectus, si qui &c. & addicendo ei omnem firmitatis vim, & robur necessarium, & opportunum, dictamque concordiam tanquam talem ab omnibus, & singulis supra dictis Fratribus, Patribus, Monialibus &c. omnino servari volumus, & mandamus generaliter quoad omnes sui partes, & specialiter, ita ut specialitas generalitati non derogat, nec è contra; in omnibus, & per omnia nihilo penitus excluso prout jacent tanquam bonam, justam, & perutilem approbamus, & confirmamus & respectu renunciationis quam ibi fecerunt dd. Patres de Decretis Sac. Congregationis Nostri, & in confirmationibus illorum à bo. mem. Sanctiss. D. Innocentio X. datis pro utraque parte à die completionis triennii Patris Simonis à S. Catharina usque ad praesentem diem; Et quatenus opus sit illa, & illas annullando, & invalidando, & cassando tanquam si non fuissent concessa, jubemusque in illis perpetuum silentium imponere; sive Brevia confirmationis, Decreta, & Literae patentes pertineant ad electiones, nominationes, prorogationes, & confirmationes Praelatorum ipsius Provinciae, sive ad quascumque privationes, sententias, suspensiones, & exemptiones omnium Fratrum illius tam in communi, quam in particulari: Et ex consequenti annullamus omnes tres electiones factas in illa à die primae convocacionis Patris Didaci à

Protectore  
confirmat  
praefatam  
concordiam.



Plagis usque adhuc, & omnes alias, si postea factæ fuissent; & etiã invalidamus nominationes à Nobis factas Provincialis defuncti Fr. Hieronymi de Sardoal Custodis, & Definitorum, & confirmationem illorum; Revalidamus tamen omnia acta spiritualia facta ab ipsis electis, & ab ipso nominato, & defuncto; Annullamusque omnes sententias, & processus ab ipsis, vel à quolibet illorum datas, seu fulminatas, vel processatas, dandas, vel fulminandas, seu processandas (usque ad publicationem harum Literarum in d. Provincia,) contra quoscumque Fratres, & Moniales illius qualiscumque qualitatis, & conditionis; & mandamus ponere perpetuum silentium in excessibus transactis circa obedientiam dictorum Prælatorum, & P. Visitatoris Fr. Antonii à Trinitate, & eisdem, quibus supra auctoritatibus Nobis commissis (dimidiando mensam capitularem ad compositionem Provincie) nominamus, eligimus, instituímus, & declaramus in Ministrum Provincie ipsiusmet Provincie ipsum Oratorem P. Fr. Antonium à Gratia Prædicatorem cum omnibus, & singulis potestatibus, auctoritatibus, & privilegiis, quibus gaudent, & gaudere solent veri, & legitimi Provinciales d. Nostræ Religionis. Et ex sua parte in Definitorum P. Fr. Antonium à Salvatore, & P. Fr. Antonium de Padua Prædicatores, & ex alia parte in custodem P. Fr. Ferdinandum à Conceptione Lectorem Jubilatum, & in Definitorum P. Fr. Franciscum à Plagis Prædicatorem, & P. Fr. Petrum ab Annunciatione Confessorem pro Recollectis; supplemusque in omnibus, & singulis præmissis quoscumque defectus tam juris, quam facti, seu personæ si qui sunt &c. illosque absolvimus à quacumque sententia, censura, vel pœna, quavis occasione, & causa lata, seu fulminata contra ipsos, illosque habilitamus ad talia officia obtinenda; & eodem modo dispensamus, absolvimus, & habilitamus ad omnia officia omnes Fratres ipsius Provincie, tanquam si noviter fuissent erecta; & mortuo, seu deficiente aliquo Definitorum ex parte d. Provincialis nominati, in ejus locum nominamus, & eligimus P. Fr. Joannem de Souza Confessorem; & mortuo, seu deficiente aliquo Definitorum ex alia parte, nominamus, & eligimus P. Fr. Didacum à Conceptione Prædicatorem; mortuo Custode, seu deficiente nominamus, & eligimus in ejus locum, & officium P. Fr. Thomam à Divo Bonaventura Prædicatorem. Mortuo tandem Provinciali nominato, Pater dignior (juxta Ordinis statuta convocet Definitorium eligatque Vicarium Provincielem ex parte d. Provincialis, cui concedimus totam auctoritatem, quam per istas Literas parentes Provinciali nominato damus. Declaramusque Patrem digniorem, & perpetuum ipsius Provincie esse P. Fr. Simonem à S. Catharina Sac. Theologie Lectorem (juxta Ordinis statuta) quia in illa fuit Minister Provincialis, cui subsequuntur illi, qui antea, vel postea fuerunt, seu fuerint Vicarii Provinciales, & pro bono pacis, & tranquillitate ipsiusmet Provincie concedimus privilegia P. Provincie P. Fr. Christophoro à Conceptione, & P. Fr. Simoni à Plagis tanquam si verè, & realiter fuissent Vicarii Provinciales legitimi; declaramusque ipsum Simonem à Plagis Patrem immediatum pro celebratione istius proximi Capituli, quamvis non habeat duos annos completos d. officii Ministerque Provincialis jam à Nobis nominatus convocabit eosdem Patres, & Definitorum, in Cœnobio ubi voluerint, ad celebrandum Capitulum Provinciale, & electiones minores, præsidebitque in illo dimidiando omnia officia Provincie tam Guardianorum, quam Vicariorum in capite, & Lectorum; cui etiã concedimus in omnibus, & singulis electionibus, determinationibus, consultationibus votum decisivum in æqualitate suffragiorum; & ut pro interim reponat Præsiden-

tes in Conventibus, quos primo accesserit antequam celebret Capitulum. Concedimus insuper dicto Ministro Provinciali facultatem celebrandi Congregationem intermediam, & præsidendi in illa; & licet habeat, sicut habet plenissimam auctoritatem super omnes Fratres, & Moniales ipsius Provincie à die istius Nostræ nominationis, & electionis, tamen volumus, quod tempus sui triennii, & aliorum Prælatorum computeur, & numeretur à die celebrationis Capituli usque ad tres annos continuos, & sex menses; Et ne Provincia ipsa patiatur similes controversias, & rebelliones, ordinamus, & declaramus, quod si ex aliquo infortunio, & urgentissima causa Maris, Mortis, Turcarum, vel ex aliqua alia hic non expressa, & fortasse exprimenda causa &c. cogitata, & incogitata &c. à majoritate, & paritate rationis &c. completo triennio, & sex mensibus Commissarius Visitator (à Ministro Generali, vel à Nobis deputandus) ad istam Provinciam non accesserit, Minister Provincialis, & omnes alii Prælati durent in suis officiis usque ad adventum ipsius Visitatoris, vel alterius suo nomine ad celebrandum Capitulum, & suffragandum in illo, & quatenus ista declaratio, & determinatio sit contra aliquas Bullas Apostolicas ad compositionem, & remedium perpetuum ipsius Provincie ultramarine, in illas, auctoritate ejusdem Sac. Congregationis (pro hac vice) dispensamus; Declaramusque non dari casus vacaturæ Ministri Provincialis ad convocationem dignioris Patris Provincie, nisi vacatio contigerit inter limites triennii, & sex mensium, volumusque quod hæc resolutio circa continuationem Provincie, & convocationem dignioris Patris Provincie observetur in ipsa in perpetuum; ad quam pro nunc (compositionis causa) nolumus, ut accedat Visitator: Et quia in d. Provincia aliqua Abbatissa fuerunt electæ à dictis Superioribus suppositis, jubemus Ministro Provinciali, ut solemniter illas confirmet, quas viderit esse idoneas; dispensando cum illis in nullitate suarum electionum: ipsosque d. Ministri Provinciali P. Fr. Antonio à Gratia à Nobis electo, & nominato, ordinamus, & mandamus in virtute Spiritus Sancti per sanctam obedientiam, ut acceptet suum officium, & ad dictam Provinciam S. Joannis Evangelistæ quam primo se conferat, dictumque suum officium adimpleat, & omnia faciat, & discernat prout in istis Nostris Literis patentibus illi concedimus, & impartitur, procedendo auctoritate propria, & Nostræ Sacreque Congregationis contra rebelles, & inobedientes (si qui fuerint) usque ad interdictum, carcerem, & exilium perpetuum à d. Provincia; invocando ad hoc (si opus fuerit) auxilium brachii secularis, in virtute ejusdem S. obedientie, & sub pœna excommunicationis majoris ipso facto incurrenda (Nobis reservata) & omnium officiorum, & inhabilitationis ad alia per decem annos, carceris, exilii, & d. Provincia in perpetuum. Præcipientes vobis omnibus, & singulis d. Provincie Religiosis, & Monialibus tam à Superioribus, quam Subditis ipsiusmet Provincie, ut dictum Ministrum Provincielem pro vero, ut legitimo Superiore recognoscatis, & obediat in omnibus, & per omnia Decretis Nostris, ac ordinibus, & determinationibus Sac. Congregationis obtemperetis; & specialiter sub eisdem pœnis, & privatione actorum legitimorum per decem annos, & omnium privilegiorum præcipimus, & mandamus d. P. Simonem à Plagis, qui nunc est in actuali gubernio ipsius Provincie, ut ubi primum d. Provincialis ad illam accesserit, illi statim conferat sigilla, & libros Provincie absque ulla mora illi obediendo tanquam vero, & legitimo Superiore in omnibus, & per omnia, observando, & observari faciendo istas Literas Nostras patentes compositionis, concordie,



electionis, nominationis, & ultimæ determinationis, non obstantibus quibuscumque Decretis, resolutionibus, statutis, dictæ Religionis, ac Constitutionibus, & Ordinationibus Apostolicis in eis appositis, etiã derogatoriis, & derogatoriis derogatoriis, & aliis amplissimis, & quibuscumque aliis, cujusvis generis, & speciei in contrarium facientibus etiã speciali, & specialissimam expressionem, & mentionem requirerent, quorum tenores &c. In quorum fidem &c. Dat. Romæ in Cancellaria Apost. die 5. Julii 1656. F. Cardinalis Barberinus Protector.

Confirmat  
Apost.

§. 7. Hinc est quod Nos præmissorum robori, & inviolabili observationi opportunè providere volentes, Motu proprio, ac ex certa scientia Nostra prædictam Concordiam eisdem Literis dicti Francisci Cardinalis insertam, ac illius confirmationem, & approbationem, necnon Decreta, & ordinationes, aliãque pro eisdem Concordiæ observatione, seu alias quomodolibet à memorato Francisco Cardinali, ut præmittitur, facta, ac desuper emanatas Literas præsertim cum omnibus & singulis quomodolibet contentis in illis Apost. auctoritate tenore præsentium confirmamus, & approbamus, illisque inviolabilis Apost. firmitatis robur adjicimus, ac omnes, & singulos juris, & facti defectus si qui in illis quomodolibet intervenerint, supplemus.

Decretum  
irritans.

§. 8. Decernentes easdem præsentem Literas firmas, validas, & efficaces existere, & fore, ac illis ad quos spectat & pro tempore spectabit plenissimè suffragari, & ab illis respectivè inviolabiliter, & inconculsè observari; Sicque, in præmissis per quoscumque Judices ordinarios, & delegatos etiã causarum Palatii Apost. Auditores, judicari, & definiti debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

Contrariis  
derogat.

§. 9. Non obstantibus præmissis, ac Constitut. & ordinat. Apost. necnon Ord. ac Provinciæ hujusmodi, ipsiusque Provinciæ Conventuum, quorumcumque quatenus opus sit etiã juramento, confirmatione Apost. vel alia quavis firmitate roboratis, statutis, & consuetudinibus, privilegiis, quoque indulcis, & Literis Apost. eisdem Ord. Provinciæ, & Conventibus eorumque Superioribus, & Fratibus ac personis quibusvis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis, & insertis habentes, illis alias in suo robore permanens, ad præmissorum effectum specialiter, & expressè derogamus, cæterisque contrariis quibuscumque.

Dat. P. A. 2.  
die 17. Julii.

Datum Romæ apud Sanctam Mariam Majorem sub Annulo Piscatoris, die 17. Julii 1656. Pontificatus Nostri Anno secundo.

XXIII.

Jubilæum universale ad implorandam opem divinam in præsentibus Ecclesiæ necessitatibus.

*Pro tunc Ecclesiæ necessitatibus imminentibus Jubilæum indixere P. ul. V. Const. 106. Ecce, & Const. 115. Urban. VIII. & Const. 41. Divinæ misericordiæ.*

ALEXANDER PAPA VII.

*Universis Christi fidelibus præsentem Literas inspecturis salutem, & Apostolicam benedictionem.*

Suprema militantis Ecclesiæ specula mentis Nostræ aciem quaquaversum intendentes, &

assiduas Gregis Nobis ex alto crediti calamitates attentè contemplantes, crebra ex imo corde suspiria, & uberes ex oculis lacrymas fundere cogimur. Cujus enim vel ferreum pectus non commoveant hodiernæ Orbis Christiani miseria? Urget ut cum maximè pertinax inter Principes Catholicos bellum, cui componendo frustra hætenus visa sunt esse humanæ prudentiæ consilia. Ad Orientem piissimæ Reipublicæ ditiones decennali bello à Turcarum Tyranno infestantur. Excus ad Septentrionem Regni sui parte hæreticorum armis Rex Orthodoxus, neque tuti ab eorum odio & potentia aliorum fines. Savit ad Meridiem dira epidemjæ lues, quæ & vicinos depopulatur, & huic Urbi veræ religionis capiti imminere videtur. Ubique terror, ubique malorum impendentium formido, ita ut si unquam, certè nunc gravem Domini manum sentiamus, flagitiis hominum ejus iram jugiter provocantibus. Cui placandæ licet privata Nostra, & aliorum sacrificia, & preces sine intermissione adhibere non desistamus, promptius tamen id à divina misericordia Nos consequutos arbitramur, si Nostris omnium Christi fidelium orationes, purgatis per salutarem veræ penitentiam Medicinam à colluvie peccatorum animis, jungantur: Clemens est enim, & misericors Deus Noster, & propitiatur cunctis invocantibus eum in veritate. Hoc autem ut fructuosius fiat, & majori cum spiritus ardore peragatur, ex veteri Ecclesiæ Romanæ omnium Matris, & Magistræ more ejusdem Ecclesiæ thesauros, quorum Dispensatores à Domino constituti sumus, proferre, & erogare decrevimus.

Ad orandum pro necessitatibus præsentibus hortatur.

§. 1. Itaque ex parte Omnipotentis Dei Patris, & Filii, & Spiritus Sancti omnes, & singulos utriusque sexus Christi fideles tam in eadem Alma Urbe Nostra, quam extra ubilibet loco constitutos Apostolica auctoritate paternè requirimus, monemus, & in Domino adhortamur ad infra-scripta devotè peragendum, & adimplendum & ad Deum Salvatorem Nostrum orandum, ut per viscera misericordiæ suæ fidem Catholicam protegere, ab hostium conatibus, & insidiis defendere, hæresim extirpare, Principibus Christianis pacem, & veram tranquillitatem donare, populos Epidemjæ lue infectos liberare, & cæteros ab ea præservare, aliisque præsentibus Ecclesiæ necessitatibus subvenire dignetur.

Preces & opera Romæ degentibus injungit.

§. 2. Nos enim de Omnipotentis Dei misericordia, ac Beatorum Petri, & Pauli Apostolorum ejus auctoritate confisi, ex illa ligandi, atque solvendi potestate, quam Nobis Dominus, meritis minimè suffragantibus, contulit, universis Christi fidelibus in Alma Urbe prædicta degentibus, qui spatio unius mensis à die datæ præsentium computandi feria sexta unius hebdomadæ intra dictum mensem decurrendæ jejunaverint, & peccata sua confessi, Sanctiss. Eucharistiæ Sacramentum reverenter sumpserint, & ne ex congressu populi, si aliquæ Ecclesiæ, ut moris est, ea de causa viderentur contagionis augeatur periculum, domi privatim Rosarium Beatæ Mariæ Virginis, vel septem Psalmos Penitentiales cum Litanis, & Orationibus adjunctis devotè semel recitaverint, ac ut supra oraverint, & pauperibus aliquam eleemosynam, prout unicuique suggeret charitas, erogaverint.

Regularibus, & impeditis Confessarius operam commutet.

§. 3. Cæteris verò extra Urbem prædictam ubique degentibus, qui in locis ubi nulla omninò epidemjæ luis suspicio adest (quod prudentiæ Ordinariorum loco loco dijudicandum relinquimus) Ecclesias ab illdem Ordinariis, vel eorum Vicariis, seu Officialibus, aut de eorum mandato, & ipsis deficientibus per eos, qui ibi curam animarum exercent, postquam ad eorum notitiam hæ Nostræ Litteræ pervenerint, designandas, vel Ecclesiarum hujusmodi alteram spatio similiter unius mensis à

publi-